



UNIVERSITÄTS-  
BIBLIOTHEK  
PADERBORN

## **Constitvtiones Societatis Iesv**

**Ignacio <de Loyola>**

**Romae, 1570**

Qui dimitti possint, & per quos. Cap. I.

---

[urn:nbn:de:hbz:466:1-68489](https://nbn-resolving.org/urn:nbn:de:hbz:466:1-68489)

Professi, vel Coadiutores formati, in corpus Societatis admissi sunt; ut quo maiori cum luce procedatur, eo quisque constantior in sua uocatione maneat; & ipsa etiam Societas melius discernat, an conueniat ad maiorem laudem & gloriam Dei & Domini nostri illum apud se retinere.

SECUNDA PARS

QUÆ AD EOS DIMIT-

TENDOS PERTINET, QUI

admissi parum apti in probatione ad Societatem inuenirentur.

Qui dimitti possint, &

per quos.

Cap. I.



**I** TAVTEM ad propositum huic Societati finem diuini obsequij, & auxiliij animarum conuenit conseruari, & numero augeri operarios idoneos ac utiles ad hoc opus promouendum; ita dimitti eos oportet, qui tales non fuerint inuenti; & successu temporis deprehendantur, uel quod hæc non sit eorum uocatio, uel quod ad commune bonum Societatis non conueniat, ut in ea maneant. Sed tamen ut non  
faciles

faciles esse ad admittendum, ita neque ad dimittendum, immo minus oportet: sed maturè omnino & considerate in Domino procedendum est. Et quamuis causas ad dimissionem dignas eo grauiores esse oportet, quo quis arctius Societatis corpori coniunctus est; \* quantumlibet tamen

**DECLARATIONES**  
in secundam  
partem.

**IN CAP. I.**

*Qui dimitti possint, & cæt.*

**A** **L** ICET omnes  
(vt in Constitutionibus dicitur) dimitti possint; alij

tamen facilius, quàm alij, dimittentur. Qui in Domum primæ Probationis admissi sunt, antè quàm cum alijs versentur, si eo tempore appareret non esse ad Societatem idoneos, facilius, quàm alij, possent dimitti.

In proximo gradu illi sunt, qui in secunda probatione in Domibus vel Collegijs nullis adhuc votis ligati versantur, si experimento comperiretur, quòd ad maius Dei obsequium non foret, si in Societate manerent.

*In tertio*

quisque sit coniunctus, in quibusdã casibus separari ab ea possit, ac deberet: ut sequenti capite uidebitur.

Dimittendi facultas in primis ad uniuersam Societatem pertinet, quando in Congregationem generalem conueniret: Eadem erit penes Præpositum Generalem in omnibus, præterquàm siquid ad ipsius personam pertineret. Penes reliquos ex Societate tantum erit huius facultatis, quantum eis à capite collatum fuerit. \*

Præpositis

In tertio gradu illi sunt, qui votis quidem sponte sua se Deo obligauerunt, verum in Scholasticos approbatos, vel Coadiutores Societatis formatos, exacto iam tempore probationis solite, non sunt admissi.

In quarto & qui grauiori consideratione & causa indigeant, sunt Scholastici approbati.

In quinto gradu, vbi quidem maior erit difficultas, sunt Coadiutores formati tam Spirituales, quam temporales; si post vota sua publica, licet non solemnia, necessario dimittendi viderentur.

In quibusdam casibus etiam Professi cuiuscunque gradus & dignitatis in Societate sint, dimitti possent; si retineri sine detrimento illius, ac diuini obsequij non posse iudicaretur.

Præter ea, quæ dicta sunt; quò magis alicui Societas deberet, quod de ipsa benemeritus esset, vel quo pluribus Dei donis ad eandem in diuino obsequio iuuandam præditus esset, eò maiori cum difficultate esset dimittendus: vt contrà cui minus deberet Societas, quiq; minus ad eandem iuuandam in diuino obsequio esset idoneus, facilius posset dimitti.

B \* Præpositis tamen Prouincialibus amplâ satis cõferri expediet, ac\* debitalis in patentibus litteris ad Præpositos particulares missis amplissimam eis facultatem impartiat, quò magis subditi eosdẽ venerentur, & humiliores ac submissiores se exhibeant: nihilominus tamen per secretas litteras hæc potestas contrahi (prout conuenire videbitur) & limitari poterit.

C ¶ Quod

*Quod ad eos attinet, qui in prima probatione & secunda sunt, nec dum votis emissis; facultatem ad eos dimittēdos habebit quicūq; ad eos dem admittēdos eam habuerit: si tamen circumstantia aliqua non id impedirent; cuius modi esset, si in*

*Domum aut Collegiū, ubi manent, à Generali vel Prouinciali Præposito, vel ab aliquo, cuius habenda sit ratio, destinati fuissent; vel si de Societate ipsi tam bene-meriti fuissent, vt eorū esset particularis ratio habenda. In his enim & similibus casibus dimitti aliquis per quem uis Præpositum non deberet; nisi causa admodū vrgetes & graues essent, ita, vt minimè dubitaretur, Superiorum mentem huiusmodi futuram esse.*

*Qui iam votis se obstrinxerunt in Domibus aut Collegijs, & Scholastici præterea biennio probationis exacto approbati, si dimittendi essent; Præpositus localis, nisi re communicata cum Prouinciali, id facere non deberet. Prouincialis autem pro modo facultatis à Generali acceptæ vel dimittere poterit, vel non poterit, quamuis Generalem non consuluerit.*

*ac \* debita proportione etiam Præpositis Localibus, & Rectoribus, quibus videbitur esse cōferenda; ut eo melius in toto Societatis corpore subordinatio factæ Obedientiæ seruetur, quo clarius intelligent inferiores se à suis immediatè Superioribus pēdere, & quod sibi cōueniat plurimum, imò necesse sit, in omnibus eis subesse propter Christum Dominum nostrum.*

#### DE CAUSIS

*Coadiutores*

*Coadiutores formati siue spirituales siue temporales, nisi consulto & approbante Generali, dimitti non debent; nisi in quibusdam remotissimis locis (vt in Indijs) huiusmodi facultatem Prouinciali comunicari oporteret, vel Generalis extra ordinem alicui, cui tanquam sibi ipsi fideret, & propter causas magni momenti eam communicasset.*

*Erga Professos minus etiam huiusmodi facultas inferioribus Praepositis est communicanda; nisi res ad Praepositum Generalem delata, & graui consideratione expensa foret, ita, vt conuenire ad diuinum obsequium, & commune Societatis bonum huiusmodi hominem dimitti, videatur; vt si contumax vel incorrigibilis esset.*

DE CAUSIS, PROPTER  
quas dimitti aliquem conueniat.  
Cap. II.

- 1 **C**AUSAS eas, quæ ad aliquem dimittendum sufficiant, ponderare coram Domino debet prudens charitas Superioris, qui huiusmodi facultatem habuerit; sed generatim loquendo, quatuor eorum genera fore uidentur.
- 2 Primum, si in Domino iudicaretur, contra ipsius honorem & gloriam fore, quod is in hac Societate maneret, qui uideatur in quibusdam prauis affectibus aut uitijs, quæ diuinam offendunt  
Maiestatem,